

## **PRIJEDLOG**

Na osnovu čl. 2.12. stav (5) i 2.15. stav (1) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) i člana 55. Statuta Općine Ilijaš - Prečišćeni tekst ("Službene novine Kantona Sarajevo", broj 20/09) Općinsko vijeće Ilijaš na 14. sjednici, održanoj 31. 12. 2013. godine, donijelo je

## **O D L U K U**

### **o raspisivanju javnog oglasa za imenovanje člana općinske izborne komisije Ilijaš**

#### **I**

Općinsko vijeće Ilijaš raspisuje javni oglas za imenovanje 1 (jednog) člana Općinske izborne komisije Ilijaš.

#### **II**

Članove Općinske izborne komisije imenuje Općinsko vijeće Ilijaš uz saglasnost Centralne izborne komisije Bosne i Hercegovine na period od 7 (sedam) godina.

#### **III**

Uslovi koje kandidat za člana Općinske izborne komisije treba ispunjavati su slijedeći:

Uslovi iz člana 2.2. Izbornog zakona Bosne i Hercegovine (u daljem tekstu Izborni zakon BiH):

- ~ Član Općinske izborne komisije je lice s pravom glasa;
- ~ Član Općinske izborne komisije je lice s odgovarajućom stručnošću i iskustvom u provedbi izbora.

U skladu sa Uputstvom o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini, član Općinske izborne komisije mora ispunjavati i posebne uslove:

- a) da ima prebivalište u općini za koju se imenuje izborna komisija;
- b) da ima završen pravni fakultet, odnosno VII/1 stepen stručne spreme društvenog smjera ili završenu višu školu odnosno VI/1 stepen stručne spreme društvenog smjera;
- c) da posjeduje iskustvo u provođenju izbora.

Izuzetno od odredbi posebnih uslova b) ove odluke, član Općinske izborne komisije može biti lice sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona BiH.

Izuzetno od odredbi posebnih uslova c) ove odluke, član Općinske izborne komisije može biti lice koje ima završen Pravni fakultet, odnosno VII/I stepen stručne spreme.

Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru,
- c) rad u stručnim organima koji su pružali pomoć u provođenju izbora i
- d) objava stručnih i naučnih radova u oblasti izbora.

Član općinske izborne komisije, po članu 2.12. stav (4) Izbornog zakona BiH, može

biti predsjednik ili sudija redovnog suda, sekretar općinskog vijeća, odnosno skupštine opštine i gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH, koji su navedeni u tački IV ove odluke.

#### IV

Za člana općinske izborne komisije, po članu 2.3. Izbornog zakona BiH: NE MOŽE biti imenovano lice:

1. koje se ne može kandidovati u smisli odredbi člana 1.6., 1.7. i 1.7.a Izbornog zakona BiH;
2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav 4. Izbornog zakona BiH;
4. koje je kandidat za izbor za bilo koji nivo vlasti;
5. kojem je izrečena kazna za radnju koja predstavlja težu povredu izbornog zakona ili propisa za koji je lično odgovorno, u posljednje četiri godine, računajući od dana pravosnažnosti odluke.

#### V

Član općinske izborne komisije, po članu 2.12. stav 7. Izbornog zakona BiH, NE MOŽE biti zastupnik, odnosno punomoćnik političkog subjekta, koji učestvuje na izborima, niti lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.

#### VI

Sastav izborne komisije, u skladu sa članom 2.14. Izbornog zakona BiH, je multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu provedenom na državnom nivou.

Sastav komisije će, u pravilu, odražavati ravnopravnu zastupljenost spolova.

#### VII

Uz prijavu na javni oglas potrebno je dostaviti slijedeću dokumentaciju:

1. kraća biografija sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi);
2. prijava/uvjerenje o prebivalištu ne starije od tri mjeseca;
3. ovjerenu fotokopiju diplome o završenom stepenu i vrsti stručne spreme;
4. dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u Općinsku izbornu komisiju ili birački odbor, ili neki drugi dokaz, koji može potvrditi da kandidat ima izbornu iskustvo);
5. svojeručno potpisana i od nadležnog organa ovjerena izjava o nacionalnoj pripadnosti;
6. svojeručno potpisana i od nadležnog organa ovjerena izjava o nepostojanju smetnji iz člana 2.3. Izbornog zakona BiH (da nije član najvišeg izvršno-političkog tijela političke stranke ili koalicije; da nije kandidat za izbor za bilo koji nivo vlasti; da nije izrečena kazna za težu povredu izbornog zakona ili propisa za koju je lično odgovoran, u posljednje četiri godine, računajući od dana pravosnažnosti odluke);
7. uvjerenje o nekažnjavanju (uvjerenje koje izdaje MUP-Uprava policije).

Dokumentacija se dostavlja u originalnu ili ovjerenu fotokopiju.

#### VIII

Općinska izborna komisija:

1. nadgleda i kontroliše rad Centra za birački spisak iz člana 3.8 Izbornog zakona BiH;
2. određuje biračka mjesta na području općine za glasanje na svim nivoima vlasti u Bosni i Hercegovini;
3. provodi postupak imenovanja, imenuje i obučava članove biračkog odbora;
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini;
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH;
6. odgovorna je za uređenje biračkog mjesta i druge tehničke pripreme za izbore;
7. odgovorna je za pravilno brojanje glasačkih listića na biračkim mjestima i u općinskim centrima za brojanje;
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

## IX

Za provođenje postupka javnog oglasa i utvrđivanje prijedloga kandidata za Općinsko vijeće, ovlašćuje se Komisija za izbor i imenovanja Općinskog vijeća Ilijaš-Konkursna komisija.

Konkursna komisija iz stava 1. ovog člana dužna je Općinskom vijeću Ilijaš podnijeti pismeni izvještaj koji će sadržavati podatke o svim kandidatima, izvještaj o provedenom intervjuu sa kandidatima koji ispunjavaju uslove javnog oglasa i rang listu sa redoslijedom kandidata prema postignutom uspjehu.

## X

Tekst javnog oglasa za imenovanje člana općinske izborne komisije Ilijaš prilaže se uz ovu odluku i čini njezin sastavni dio.

Javni oglas za imenovanje člana Općinske izborne komisije Ilijaš će biti objavljen u dnevnom listu "Oslobođenje", na oglasnoj ploči Općine Ilijaš i Web stranici općine Ilijaš.

Rok za podnošenje prijave na javni oglas je 8 dana od dana objavljivanja u dnevnom listu.

## XI

Ova odluka stupa na snagu prvog narednog dana od dana objavljivanja u "Službenim novinama Kantona Sarajevo".

Broj: 01/1-02-\_\_\_\_\_/13  
Ilijaš, 31. 12. 2013.godine

Predsjedavajući Općinskog vijeća Ilijaš  
Damir Filipović, s.r.

## Obrazloženje

Pravni osnov za donošenje ove odluke sadržan je u čl. 2.12. stav (5) i 2.15. stav (1) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13) i članu 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini («Službeni glasnik BiH», broj 9/10, 37/10 i 74/11), u kojima je određeno da članove Općinske izborne komisije imenuje Općinsko vijeće putem javnog oglasa o čemu donosi odluku, a članom 55. Statuta Općine Ilijaš - Prečišćeni tekst ("Službene novine Kantona Sarajevo", broj 20/09) utvrđene su nadležnosti Općinskog vijeća.

Razlog za donošenje ove odluke je prestanak mandata jednog člana Općinske izborne komisije prije isteka vremena utvrđenog članom 2.4. Izbornog zakona Bosne i Hercegovine, zbog nastupanja smrti.

Sastavni dio ove odluke je i javni oglas koji je u prilogu.

Predlagač – Kolegij Općinskog vijeća Ilijaš

Obrađivač – Stručna služba općinskog vijeća i općinskog načelnika

Prilog: 1x, Javni oglas